



11 APR, 2021

## Cukai dikenakan dalam ekonomi gig di Malaysia

Berita Harian Ahad, Malaysia

Page 1 of 2

# Cukai dikenakan dalam ekonomi gig di Malaysia

**Kuala Lumpur:** Ekonomi gig menjadi segmen ekonomi semakin popular sejak akhir-akhir ini, terutama dalam kalangan generasi muda dan dijangka terus berkembang pada 2021 selaras kadar pengangguran yang dijangka semakin tinggi susulan pandemik COVID-19.

Ekonomi gig adalah sistem pasaran bebas yang memberi kebebasan kepada organisasi dan pekerja untuk menjalani kontrak kerja suka sama suka tanpa perlu menggajikan pekerja sepehuh masa.

Dalam kata lain, mereka yang bekerja dalam ekonomi gig ini dipanggil sebagai *freelancer* yang berkemampuan untuk bekerja secara fleksibel tanpa perlu bekerja secara rutin.

Beberapa istilah lain juga digunakan bagi sektor baharu ini seperti *Sharing Economy*, *Collaborative Economy*, *Digital Economy*, *Crowd Economy* dan *Peer Economy*.

Kadar pengangguran yang tinggi ini menyebabkan platform ekonomi gig mula menjadi pilihan untuk mereka menyara kehidupan.

Justeru, tidak hairanlah kerajaan ingin memberi tumpuan khas kepada ekonomi gig sebagai sumber baharu pertumbuhan ekonomi dalam merangka Rancangan Malaysia Ke-12

tahun 2021-2025.

Terdapat tiga komponen utama dalam ekonomi gig. Pertama, pekerja bebas dibayar berasaskan tugas tertentu. Kedua, pelanggan mahu perkhidmatan spesifik. Ketiga, syarikat membina medium antara pekerja bebas dengan pelanggan menggunakan platform aplikasi teknologi seperti Grabfood, Foodpanda, TaskRabbit, BungkusIt serta perkhidmatan serpu-pandu seperti Grab dan MyCar.

Pendapatan sebagai pemandu GrabCar juga boleh dikenakan cukai pendapatan sekiranya memenuhi syarat.

Tiada garis panduan yang khusus untuk menerangkan pekerjaan dalam ekonomi gig ini. Bagaimanapun, ianya boleh disimpulkan kepada beberapa ciri.

Pertama, sistem kerja tanpa kontrak. Pekerja tidak terikat dengan satu syarikat atau satu pekerjaan tertentu dan boleh bekerja di tiga syarikat sekaligus atau lebih tanpa batasan di era digital.

Kedua, pekerja mempunyai masa fleksibel tanpa terikat dengan waktu normal bekerja. Pekerja bebas bekerja pada bila-bila masa asalkan kerja dibuat boleh diselesaikan pada waktu yang dipersetujui.

Ketiga, penghasilan lebih daripada satu. Tidak hairan



Pendapatan pemandu GrabCar boleh dikenakan cukai.

apabila generasi milenial ini boleh menghasilkan pendapatan lebih lumayan malah boleh mencecah ratusan ribu ringgit, berbanding mereka yang sudah lama bekerja di syarikat.

Ini disebabkan era ekonomi gig membolehkan mereka bekerja di beberapa tempat tanpa terikat dengan peraturan tertentu.

Ciri terakhir bagi ekonomi gig ialah bebas menyelesaikan pekerjaan. Sambil bekerja sambil bersantai, asalkan pekerjaan itu boleh selesai pada waktu ditentukan.

Kebebasan bekerja mungkin menjadi ciri utama mereka memilih menjadi *freelancer* atau *self-employed*. Malah, ekonomi gig juga membuka ruang lebih besar kepada perkembangan ekonomi rakyat Malaysia dan

negara kerana ia memberi peluang pekerjaan kepada ramai rakyat yang terjejas akibat pandemik COVID-19.

Mereka yang terkesan dengan situasi ini beralih kepada ekonomi gig dengan membuat kerja separuh masa untuk menambah pendapatan seperti menjadi pemandu Grab, bekerja sebagai penghantar makanan, berniaga dalam talian dan banyak lagi.

**Adakah golongan yang bekerja separuh masa seperti ini perlu melaporkan pendapatan itu?**

Secara asasnya, ia bergantung kepada kekerapan kerja separuh masa itu dilakukan. Jika pekerjaan itu dilakukan satu atau dua kali sahaja, mereka boleh menggunakan borang BE untuk melaporkan pendapatan.

Pendapatan yang diterima daripada pekerjaan separuh masa atau sambilan itu perlu diisi dalam bahagian pendapatan lain.

Bagaimanapun, jika pekerjaan itu dilakukan secara kerap seperti setiap bulan, maka ia lebih kepada model perniagaan dan perlu melaporkan pendapatan menggunakan borang B (Individu Berpendapatan Perniagaan).

Bagi kategori borang B ini contohnya perniagaan dalam talian, pembelian barang dan kos perbelanjaan bagi penghantaran barang adalah dibenarkan tuntutannya sebagai pelepasan cukai.

Kekerapan pekerjaan yang dilakukan menentukan jenis Borang Nyata ketika melapor pendapatan kepada LHDNM.

Kesimpulannya, apa sahaja pekerjaan yang menghasilkan pendapatan termasuklah pekerjaan dalam ekonomi gig perlu dilaporkan kepada Lembaga Hasil Dalam Negeri Malaysia (LHDNM) bagi tujuan cukai pendapatan.

Sebarang pertanyaan boleh dibuat melalui Borang Maklumbalas Pelanggan atau hubungi HASiL Care Line di 03-8911 1000. Maklumat lanjut percukaian boleh diperolehi di [www.hasil.gov.my](http://www.hasil.gov.my).



11 APR, 2021

## Cukai dikenakan dalam ekonomi gig di Malaysia

Berita Harian Ahad, Malaysia

Page 2 of 2

### SUMMARIES

Kuala Lumpur: Ekonomi gig men jadi segmen ekonomi sema - kin popular sejak akhir- akhir ini, terutama dalam kalangan ge nerasi muda dan dijangka terus berkembang pada 2021 selaras kadar pengangguran yang dijangka semakin tinggi susulan pandemik COVID-19. Ekonomi gig adalah sistem pasaran bebas yang memberi kebebasan kepada organisasi dan pekerja untuk menjalani kontrak kerja suka sama suka tanpa perlu menggajikan pekerja sepenuh masa.